

寄庵詩文鈔

寄庵詩鈔續附卷一

丙子

雲南劉大紳

謝答李占亭寄梅花

折枝寄到百花先，落月相思已隔年。  
好領滿園桃李樹，一齊開放曉風前。

立春後三月初賦梅花同王玉海謝石瞿兩孝廉  
趙穀人李占亭兩茂才

去歲水邊與雪後，杖杖相尋門亂叩。  
春來三日花偕來，乾坤真氣到窗牖。  
對之不敢輕吟詩，留待羣仙共飲酒。  
此花得自青蓮家，珍惜下筆最難苟。  
摩詰經營圖孟公。

落墨兼及灞橋柳朗朗玉立天水生蚤有風流映左右  
一時小謝又清發果然詩中射雕手笑我刻燭光銷殘  
起視天上月明久醉中襍被蒙白頭醒來大呼歲寒友  
相思何早相慰遲林教笛聲入耳陡試看昆華十萬戶  
疎影暗香仍未有鏤金錯綵爭相誇不值我輩一回首

謝屠夢亭贈秘書

早知天上可論文未踏仙梯離俗氛二酉藏來殘竹素  
六丁攝去散烟雲懸壺靈藥不終秘倒筒異書能共分  
從此丹霄真有路便携鸞鶴避雞羣

上元夜燈

六門風試上元燈  
裙屐來遊似秣陵  
誰念窮簷懸一盞  
爭傳華屋挂千層  
光輝未較前年減  
驩樂還從閨夜增  
向曉餘烟飛不盡  
空中幻作五雲蒸

東閣始見梅花

幾度相思意渺然  
春風吹破一枝烟  
正無履迹小橋外  
宜有吟懷高閣邊  
樹不須嫌今日老  
人都爭憶昔如仙  
林間縱少著花處  
肯使羣芳能占先

過屠夢亭寓知昨日已去悵然而返

看君歸計決曾賦  
送行詩交暫談心  
久情深臥病遲夢  
中人尙住去後我  
方知惆悵過門日  
春風繞竹籬

亦知歧路上落日慣催人易下衰年淚輕傷遠客神烟  
雲相望遠楊柳自懷春昨夜板橋驛可能歡酌頻

太和宮北廬梅花

金銀宮闕是仙都獨向荒庭此一隅幾度冰霜情與共  
卽今烟火氣全無風如不到得香少花值未開疑樹枯  
何代高人親手植生當宋後亦林逋

紀遊二絕句

來遊樹上擾棲鴉沈醉春風日已斜小集亦關新福分  
仙宮昨夜盡開花

日落爭尋別徑歸仙人送客亦依依夢中不盡看花興

化作春雲繞樹飛

送別李榛亭廣文

悲風起四野寒氣侵衣裳欲送故人去中夜心徬皇鳥  
雀二三日大小深林翔一夕各飛散尙且摧肝腸况如  
君與我哀樂同一堂門戶不分別幾度移星霜人豈不  
如物而乃殊行藏所幸 聖明世校士仍膠庠未出  
井鬼域依然桑梓鄉來年值大比卽可觀 國光藉  
此慰離索何至歎參商門前好鞍馬八尺森騰驤去矣  
無顧慮朝暉鞭影長

送召蔭歸里

雨雪千里程裘馬怯不發徒步衣裳單寒威澈筋骨問  
子何遠行文場困艱靡衆人爭相尤吾學固無闕何意  
終餒依貧窶又倉猝決志歸故鄉聊可飽糠粒負笈有  
大兒躡屨甘度越到家對妻孥猶勝事干謁聞此心腸  
悲涕泣下欲竭卞玉埋荆山精華未消歇一夕獻楚庭  
雙足乃愛別命拙身致貧才高理應罰修士三千年幾  
人搢象笏賦歸且自歸得失僅如髮所貴窮且堅意氣  
加砒砒出門在明朝相送有風月見面憑夢魂仍然似  
鵝蜃

送顧學使南雅先生述職入覲

言留不能留言去不忍去匆匆唱渭城魂消古驛樹性  
情天賦人最難是此處羞作兒女悲慷慨送長路反淚  
落胷中淫淫尙如雨於情誠已私於義別有取

國家兩大政教士先養民是必士風古而後民氣淳滇  
南萬里外三年一使臣金碧留姓字指數曾幾人東吳  
顧文學持節今四春謗疑始亦有畏服終如神士文古  
鸞鷲士品今麒麟

齊魯舊俗吏巧宦非良圖授經養老母人誚庸且愚先  
生一相見謂此真吾徒車馬日過從吹噓忘朽枯珍饈  
助朝饒堂北增歡娛悲深苦塊次啞啞啼夜鳥



昔讀贈答詩最愛是蘇李二子當盛年功名亦相似遠  
別在異域悲歌固有以若使天與淵毋乃非其比車輪  
轉中腸胡爲不能已公澤溫如春公交淡如水

雲霄有鸞皇堂檐有烏雀貴賤從來殊雲泥豈能若知  
已成崇朝竟如皎日約聚散期無常分飛且驚愕况我  
居然人誰云別離樂執手歧途間紛紛雨雪落

寄庵詩鈔續附卷二 丁丑

蠶豆歌

雲南劉大紳

麥不熟饑民哭南北山頭土可粥爭先鋤取傾筐歸下  
咽死生未敢卜皇天不忍民無辜青青豆實珍於珠養  
蠶時候再三摘使汝中饜兼外腴掘根生食是何郡暫  
飽須臾鬼相近未能忍死待今年心知今年已無分老  
夫頗謂勝膏梁感此泣下沾衣裳如何去歲不早熟遍  
爲南人救死亡

擬題沐氏十二代遺像後

明初天子漢高祖蒞醢功臣恪茅土極知帝王是真龍

敢道羣臣非眞虎天下可定那可封大勲幾輩銘鼎鐘  
沐家王侯十有二遺像獨留太華峰黔寧戰伐在人口  
弈葉忠貞亦希有始終勝國三百年盡道神靈仗高后  
功高震王應危身何必長頸烏喙人留侯見幾如少伯  
彭韓徐傳徒悲辛

平宗哈

皇天與有德昇平億萬載蠻夷處內地受恩溥如  
海盜弄潢池兵敢冀赦有罪安輯就朝食軍回樂奏凱  
好生是天地君相心其心禍福爾自取上下分難  
侵旌旗出轅門風氣扇春林三軍久思戰賊來直成擒

此行計功賞自許封侯任中夜憐赤子弔伐涕沾襟  
滔滔河底江水深不可渡瘴癘無時休氣蒸五色霧天  
兵奮義勇利涉我何懼長戈耀彩日大纛卷甘澍一舉  
罪人得歌舞載道路共知堯舜仁不識文武怒

王師討有罪逆誅順則舍俘馘既可數供億亦以寡顧  
念咫尺間胡爲騁戎馬 朝廷置州縣恩威逮草野

進火移其薪防水導之下能馴鳥獸性何至奏章夏

虎臣惟老臣敬慎試兵革汲汲悲憫心勞勞撻伐力賭  
聖若示暇運籌未遑息成功不遲告及時報 君國

善後須萬全憂虞猶見色去日麥方歧歸時麥可食香

餅佐香醪醉飽歌恩德

夢中有人屬賦淵明未就醒後成之

陶公不解事彭澤賦歸久徑底秋風遲夕陽到五柳負  
此頭上巾無處可漉酒乞食鄰人家鄉兒爭拍手冥報  
拙言辭何似折腰醜先生笑不語種秫趣老婦好待黃  
花開醺然度重九茫茫天地間富貴吾何有

時雨

四月廿日夜

平時安得如慶雲五彩氣色常紛縕旱歲安得如時雨  
萬方草木皆歡忻先憂後樂此懷抱寂寞名山竟終老  
時時嗚咽雲漢歌風伯雨師兩絕倒忽聽夜半鞭虬龍

簷溜不斷聲洶洶侵晨起視已盈尺天恩滂沛來九重  
乃知膏澤不曾壅下民呼籲恃無恐不然先期與後期  
何由屢上豐年頌君不見好雨直如王者師救民取殘  
真及時又不見帝王良弼夢中錫用作霖雨無復疑

憶劉召蔭

每經離別恨茫茫風雨聲停白晝長豈有終身頻聚首  
斷無久客不還鄉老年自笑緣情瘦中夜同憐入夢忙  
莫說碧雞關外路城門一隔卽參商

次日復成五言短歌一首約楊鳳藻同作

同居五華麓歲月亦已久一合不復離此事從未有况

子思鄉縣文夕腸迴九得失一夫決飽煖衆鬼守住此  
將何爲惟我與有咎若更牽衣畱毋乃固哉叟所以所  
子冬相從歌出走楊生與馮生賦詩若一口贈處思古  
人道義交不苟我輩非忘情見面訂日後送過長短亭  
關內進杯酒碧雞山色深青青憶楊柳君去頻回頭我  
歸但垂首咫尺二千里一朝別良友若使不淹畱何待  
今丁丑未知當去年相思如此否此去雖遲遲臨行轉  
覺陡遂使衰年時心血幾欲嘔晝看雲依山夜對月當  
牖知投人家宿夢亦到我右行者漸歡娛居者日老醜  
我亦賦歸與偃息舊林藪

苴蘭橫宮白鷺

苴蘭城上蒼烟低中有橫宮與天齊白鳳一去不復返  
雄文猶說移碧雞至今落日屋梁上生愁烏雅亂依傍  
振振之鷺鷺從何來飄飄舞雪隨風颺堂階古樹常青青  
交柯密葉如翠屏翔集都言爲擇木我謂或亦因地靈  
虞庭周岐事千古夫子當年不曾睹道窮獲麟西狩時  
太息鴟音頌於魯白鷺自矜元鶴倫世有鳳凰願爲臣  
昏暮歸來白晝出莫向滄池窺紫鱗

采芝吟

采芝深山中靈根最難得買從市人手枝柯爛五色盡



卷十一  
四  
將塵氛捐都如雲霞飾入鼎羞參木刀圭不復憶昨暮  
繙道書垂涎致無力齋廚值今晨適口歌式食長生尙  
未卜延年此爲特市賈嚮何遲遺恨填胸臆風木遊子  
悲忍心獨視息寧使芝無靈方士暫相惑

李節婦詩

浪穹李生杰之祖母

射鳥莫射鴻雁鳥雄去雌孤怒如擣斫樹莫斫連理樹  
曾是鴛鴦雙棲處夫婦義重如君臣禽鳥尙知敦厥倫  
夫死有子復有孫中道委棄墮清門毅然一木支大厦  
燕巢纍纍庇字下史臣大筆揚芳馨冰壺朗映秋月明  
小閣焚香再拜讀蒼天夜半過鴻鵠蒼天有耳聽何高

不使遊戲雙鴻毛自古綱常危時扶疾風勁草無地無  
李家兒孫莫哀痛望夫片石泰山重

題謝三兄梧岡書冊

不持丈八矛無福作將相顛倒三寸管志氣亦道上鬼  
神偏忌人倏忽遂淪喪楮墨流世間橫遭覆轡益乃見  
吾友書不同黃土墓回首卅年前沁水互依傍運筆時  
自矜得意卽奔放鍾王去已久蘇米可詎頑獨作後死  
人焚硯尙惆悵今日是何日竟如掘古藏再拜識年月  
形神終不王九原不可作付還書畫舫留示小兒曹識  
此丈人行

喜同年李松雲中丞至

同年海內幾人存  
御史中丞世所尊  
竟藉儒臣撫金碧  
剛畱野老遯邱園  
雲蒸澗壑都成彩  
泉繞桑麻盡號溫  
但使百蠻稱父母  
饑寒我亦受殊恩

寄答高用康

高生昨失意秋風歸  
舊廬霖雨經十旬  
出城卽泥塗子  
才自可惜送別况老  
夫黃葉夾道路蒼鷹  
饑且呼從來  
會合地大雅須人扶  
幸有家庭樂年凶少  
尊鱸南夷又  
蠢動千里驚鳴杼  
糧故態在背嵬豈  
吾徒顧盼封侯  
相未曾訊鉗奴忍  
餓待歲稔改計非  
良圖今午附書至

鹿兔蒙與俱予飽能幾日念我供庖厨重以好詩句聲  
苦腸鬱紆兩地同一心欲語無異趨欲默義不可展轉  
聽啼鳥悔恨學詩日三復李與蘇營度甫出口淚滴銅  
蟾蜍願子置懷袖任其字模糊勿示歡樂人一見相挪  
揄

星回節諫南人迎諸葛丞相事

瀘水渡瘴雲開漢家丞相天上來羣蠻歡喜聲如雷松  
明一萬把白晝先安排黑夜照見公顏色拜公祝公公  
莫回千年萬載與我無疑猜至今東西南三迤處處火  
炬高崔嵬孫吳有謀士曹魏多將才假使當年一到此

虜其父老殘其嬰孩  
毀其田宅劫其貨財  
毒烟虐焰避之不  
速心崩摧心崩摧火  
成灰丞相天威也孫  
吳曹魏何人哉

古蹟和楊鳳藻

南征汲汲擁旛幢曹  
魏猶存吳未降丞相  
心頭無限血

誰憐一半灑瀘江

武鄉侯

同心元聖產空桑神  
禹從石紐鄉天地生  
才無內外

西人應有此賢王

咸陽王

使臣相繼殞南荒碧  
血當年棄不藏馬鬣  
封前人拜跪

神鴉簇簇叫斜陽

王忠文吳忠節二公

承家直與國同休茅  
土遙遙二百秋昨日  
昆明池上客

戰功還說潁川侯

黔寧王

神皇帝後逃天子末代君臣有如此運謝居然鬼不靈

村巫寂寂割牛豕

建文帝

不是程朱嫡子孫焉能大哭撼宮門世人但解相傳說

宰相楊家一狀元

楊莊介公

烈皇久已殉燕都萬里分藩一策無賂呪河邊如不死

侯王豈但是庸奴

沐忠節公

半壁南天壞不支人臣惡死欲何爲吉祥忠果捐生後

又見忠貞畫壁時

甘忠果公

百年父老誦虜功狼矢烟消一夕中聽說籌邊書寸上

不曾請建梵王宮

蔡將軍

行年四十守窮廬頌磬歌鐘願恐虛一自乘時兼將相

漢唐名士有誰如

鄂文端公

訪壁立堂遺址

在螺峰山孫髯翁選詩處

榮華無百年窮愁自千古孫髯大布衣蔚爲風騷主螺峰好巖壑各自闢門戶英雄萃四海羣鹿得其塵無端五丁攝殘編一二睹登高訪遺址落日照宿莽忽見安阜園老瀨舊歌舞王侯喧螻蟻美人亦黃土行人淚不灑短笛弄牧豎書庄又何憚黼然失環堵尙聞洞底蛟曾避文中虎壁立一千仞金碧有誰伍

聞屠夢亭已歿七月七日

再見原難必長生豈不能如何聞惡鳥忽已失良朋玉  
帝知狂客金仙識散僧天人同汗漫卽此是飛騰

七夕和楊鳳藻

今年七夕幸無雨靈鵲不曾濕毛羽長橋夾岸如飛虹  
早見雙星會銀浦年年乞巧成故事丈夫盡作小兒女  
老翁啞然無一言白頭跪拜枉勞苦天孫縱有巧與人  
少壯不與老何與君不見柳州之文直戲謔孫樵之對  
徑棄汝市兒口說汾陽王富貴功名絕千古同時若無  
李太白老死軍校竟何補人生賞識貴有真誰云拙錯



巧纜舉

克復二首

克復如磨鏡用力去塵垢光明便煥發肝膽辨妍醜若  
問庄明方此方古未有人欲既不存天理自如舊雷厲  
風行人何分刻前後爲仁仁卽歸夫子固善誘

克復如治病病勢雖已去元氣尙未復緩和爲顧慮藥  
物搜籠中參朮冀相助昂昂此七尺乃臻泰然處晞顏  
亦顏侶功深或可庶若云仁卽歸我輩豈能遽

修月匠歌

昔人嵩山偶迷路忽逢仙人笑相顧仙人不識何代人

自言時向月中住家家舉頭見明月謂是洪鈞力爲鑄  
但說弦望有盈缺豈信成毀亦有數糝和七寶功夫深  
一輪清光乃如故若非八萬三千人半空蒼黃墮蟾兔  
姮娥多情救不得獨倚丹桂老枯樹我亦上界修月人  
請看幙中修月具仙人未必多妄言於今流傳費訓詁  
我聞小民母事日疾痛勞苦日號呼何能一月無此人  
未知一歲修幾度嗟我苦無幙中物愁看秋霜與春露

枕邊

幻夢聞鐘盡時還憶枕邊同床祇自覺一室有誰憐聚  
散今生事悲歡夙世緣家雞聲喔喔又到曉窗前

索鄧學周畫蝴蝶

春花開罷又秋花  
乳燕賓鴻候不差  
却怪羅浮山上蝶  
雙雙飛向五侯家

怯露驚霜意態殊  
乍離乍合最難撫  
謝詩鄧畫爭奇絕  
冷落鴛鴦與鷓鴣

謝學周畫菊蝶

仙裙片片惹雲烟  
又結人間翰墨緣  
留伴晚香團扇底  
長教秋色到樽前

粉本莊騷極自然  
夕餐夜夢與周旋  
乘鸞秦女無顏色  
遺恨秋風玉樹邊

鳳藻索書扇贈之系以詩

偶然書扇不求工  
嫋嫋庭階落葉風  
置汝懷間無鬼識  
他年安穩渡江中

中秋對月

竟向清宵見明月  
愁人今年瘦餘骨  
玉兔杵臼靈藥多  
奮飛不到廣寒窟  
團樂三五秋更秋  
浮雲斂盡懸高樓  
明月何曾有喜慍  
人生各自殊歡愁  
愁時看月不分曉  
來何遲遲去何早  
當頭欲結歡喜緣  
縱酒狂歌屬少小  
幾人返老如神仙  
月圓復缺缺復圓  
天涯海角不須說  
五華曾記聽管絃

池籥庭以遊太華山詩相示感而有作

君攜太華山上月如抱徑寸隋侯珠清光終夜澈懷袖  
特來傲我山澤臞我雖脚力不如舊竹根瘦勁猶能扶  
風帆一幅屐一兩山靈亦許同步趨擎月須手先須眼  
奈今淚漬雙眸枯他年相待月明後自崖而返非吾徒

爲碩致堂刺史題黑龍潭觀梅圖

吾鄉之金只如馬滾滾流泉布天下吾鄉之梅乃如龍  
寂寂聲名委山野五老峰麓人相傳神仙手種開元年  
遭逢不及漢宣世移文萬里馳風烟紅霞一夕射潭水  
赤龍飛騰黑龍徙不以形求以神求須與收入畫圖裏

巾卷不載疲橐駝傲視三品金籬多西南寶物孰逾此  
先生柰爾傷廉何

答趙君山明府和韻

誰山湖畔賦秋聲難弟難兄有令名懷古寸心多感慨  
論人雙眼最分明揭來此地稱循吏更向何年到列卿  
喜是五華山下客昆池邂逅水盈盈

漢代龔黃去不遙末流人自隔重霄如公等輩聲相應  
到處生靈氣已調窮谷蠻夷皆赤子 盛時天日見

清朝鄧侯謝令殊推挽莫道衢歌語甚囂

采菊吟

卷二十一  
七  
祛慮賴有酒延齡可無菊依依籬落間采采意已足豈  
無屠沽兒相矜食梁肉秋風醉且飽吾不負吾腹徑底  
雙蝶來瘦影憐我獨不惜分清芬相與得所欲此意誰  
復知陶後惟蘇陸種杞無異味著書各滿屋

圍爐

田家哭北風極目一千里老淚寒不乾圍爐煖枯髓人  
前笑啞啞一寒乃至此天時順不違因人熱則恥造冰  
與造火神仙有長技誰能往學之驅風使南徙人生自  
食力所願盈寧止披裘負薪客五月長途底黃金不收  
拾延陵汗如水莫笑圍爐翁微吟恨無已

畫菊蝶

香風吹散賣花橋歸夢羅浮去路遙  
一夜秋容添幾許  
離情瑣碎不魂銷

因風去住自婆娑佳會南園興若何  
不是欲飛無別處  
黃花逕底白雲多

吐金小鳥不知愁  
粧點玉釵橫玉樓  
晚節寒香憑管領  
誰憐飛燕漢宮秋

五柳門庭入翠微  
閒階幽草伴清暉  
落英不比垂楊絮  
勸爾加餐莫遽飛

古木森森俯鳥巢  
倦飛無力晚陰交  
多情只愛幽人宅



分付黃鶯莫亂捎

白屈成澁青苔煮鶴焚琴少客來  
適意若教無蛺蝶

一秋辜負菊花開

謝家名字少人呼懶入滕王舊畫圖  
待向郊原放鷹處

盤空先捉小於菟  
畫家漫與是秋風杜興韓懷遜汝工  
定有如輪雙翅在

爭先鸞鳳到雲中

農家

不惜爲農苦私田冀有收  
北來風得意晚種稻生愁  
一夜成枯草全家泣老牛  
忽聞鴻雁到問汝向誰謀

和李占亭送春詩

不是賦歸便不來登臨相送此心摧幾時作客偏難任  
何處爲家竟欲回十里鶯花曾贈答一天風雨漫疑猜  
赤刀截斷東皇鏡好與先尋嶺上梅

和占亭聞石曜下第將歸

驛路關心雨雪頻長安望斷杏園春客操相術士多瘦  
時重交游家早貧下第還容爲酒伴歸鄉又喜見詩人  
經過去日鍾情處應歎雲英掌上身

和占亭苦饑吟

君不見車馬擁簇雲霞飛湖亭燈燭重光輝美酒大肉

醉且飽家家月夜望人歸云何貿貿然湖邊來饑婦饑  
婦不食經幾旬肯上長將饑兒負饑兒饑婦兒饑婦饑  
兒母母饑兒亦饑生歿今年難相守兒饑知有母母饑  
知有水負兒如負石一夕沈沈向湖底湖中有魚鼈湖  
上有烏鳶饑婦饑兒瘦可憐魚鼈不下咽烏鳶飛上天  
湖亭遊人醉裁醒笑視饑婦太無能一死母子目已瞑  
昆明李生爲悲吟使我讀之淚淫淫亭何在在湖心湖  
何在在城陰城陰中人死無所城外人將生何處天乎  
人乎李生何與

書占亭北風行後

小民無端怨米貴詩人賦詩亦無謂市中米出田中禾  
今年田中有禾未何不辟穀求神仙何不忍死呼蒼天  
南風不斷北風晚一斗米直能幾錢北風夜夜勝冰雪  
鎌耨杵臼盡吹絕社公社母無神靈難拭老農眼中血  
去年官倉上官米不恤狼藉委地定何期轉眼成今年  
田中市中都如洗有錢有米生須臾買得糠覈皆珍珠  
更莫惜錢怨米貴只恐米無錢亦無

三世節孝詩爲雲州楊氏

蝨蟻不伏蛟龍淵鴟梟不巢鳳凰穴  
晚蘭畝蕙同幽芽  
層冰積雪共皎潔  
朝廷德化敷遐荒深閨分義明

秋霜楊家賢婦徐家女卅載苦節旌大常其姑凜凜節  
先著蟠根仙李世共譽門前一帶寒江水人識孤鴛舊  
棲處非是不爲婦也姑姑亦舍婦同心無手栽女貞十  
尋木夜夜樹上烏畢連人生祗此足不朽猶醒獨清已  
僅有姑婦先後同一身誰與倡者呂大母母儀三世徵  
姬周盛衰苦樂原不伴要知扶植綱常處日星河嶽同千秋

九日

矯首長空雁影寒潘輿何地更承歡仙家雞犬皆如故  
客路山川獨自看萬井秋禾同慘澹一叢野菊共凋殘  
螺峰舊是登高處淚灑茱萸欲采難

杜勃然以紳母塋地奉其尊人命來相視

汝承嚴命到苴蘭我有慈親塋未安老輩猶存三代後  
高風直上五雲端山川舊識登臨苦筇屐重經道路難  
吉地鬼神私不得餘生感激涕洟瀾

雞鳴歌

日驅月馳成古今以生勞人天地心月黑燈暗得休息  
醉魄癡魂數反側耿耿夜氣存不多雞鳴日出將奈何  
鴛鴦

騏驥日千里鴛鴦十里五里止鼓車聲如雷鹽車軋軋向  
泥滓鹽車謂鼓車我何不如爾騏驥足生風鴛鴦汗如

水舉首見雲霓同聲齊歎不如彼崑崙山高出天外雲  
霓一息周復始何能將身化雲霓天外之樂樂無比

大木行

萌芽經始自何代大地全力久承載枝柯鬱結根柢深  
巖壑低伏日月礙一朝忽向山靈辭巨室棟梁於我宜  
風雨號呼百神送慷慨入世聽人爲彼蒼生材固非易  
平生自負敢輕棄賓朋笑語妻孥歡早見營巢燕子至  
文犀何事沈深淵侏儒有鬼私相憐主人中宵忽見夢  
不如散木終天年

哀羅景山

吾友之友卽吾友高風亮節矧無偶生不相知死乃知  
此事於誰謝其咎前年市上見君畫迂倪癡黃實先後  
今年又聞君嗜琴移情水仙鄙矇眊齊衰未敢聽雅樂  
讀禮尙欲詢黃耆五華山麓藏書樓咫尺無緣侍左右  
楊生示我哀君詩少微星應黔中叟士窮能堅老能壯  
逆旅交游義不苟琴心畫理如其人餘事亦復在衆口  
天寒日暮不留任相約旗亭賦折柳胡先一日人云亡  
竟殯昆明城北首滇中少年盡賢俊同聲大哭失山斗  
客死未及歸故鄉人疑天道無從叩我謂歸去老牖下  
正恐難尋好誄手公屍卿柩豈不哭諛死媚生只速朽



惟情生文文生情諸君於君可勿負霜風颯颯雲旗飄  
笑聽薤歌酸祭酒

暫歸故里作

客遊久不歸思鄉怯風雨道路盤虛空巖巖降登苦及  
茲天日晴僕馬力堪勞經過迎養處面目色如土白雲  
空自飛板輿不復睹無母既無恃無父早無怙感彼風  
人言陟岵與陟岵

夕月催行人投宿尚有處茅店暫容膝聞雞趁曉霧豈  
不思安眠半途未能住他鄉慰僕夫且與前路去  
盼到舊鄉邑山川不如昨草木既枯槁烟雲亦蕭索前

年天降災死鼠溢城郭去日歡相送歸來慘不樂死亡  
互弔問此身何所託癡兒牽男女一前復一却殘燈覓  
餌餅喧呼慰寂寞

峻極城東山烟霞盡天表茲山何葱鬱先人卜宅兆迢  
迢遠遊子五年闕拜埽合墓思魯人離之實非道郭璞  
書未焚術士竊爲寶聚訟如議禮愚昧豈能了淚下沾  
草木吉壤自古少

暫息少黔突又汲三江水迴首望來路高懸三十里叢  
石與長葛迷人在尺咫導余非樵牧少壯顛厥趾我何  
冒此險奔竄如鹿麕尙思前年時駿馬跨山止衰老歎

今日神魂失倚徙三台真坦平明晨好履視

白月臨東山已到新村居友朋苦延畱情義全不疏出門卽風雨周折泥塗餘昆明豈故鄉浩然賦歸與此心自倦戀此日難安舒多謝諸故人有酒兼有魚旅食未能飽昏黑聊相於

刈稻了詠懷

年年刈稻穀今年亦云了十穗無一粒所獲盡枯草杵臼全空閒烏雀尙紛擾農圃小人事饑寒豈足道盜賊恐滋多少壯不終老况聞千里間木穰迹如掃耕種何嘗遲私憾北風早飛廉有氣力所至失堅好今年且忍

饑明年勤致禱豚蹄與壺酒莫辭賣兒襖

題畫白鷹

戴生昨題畫鷹詩開卷萬里陰風吹天生神物尙無此  
區區畫史焉能爲詩人狡獪不足怪今午竟示霜毛姿  
斷崖幾丈凌大海日光照耀紅玻璃雙眸直射不斜視  
喜見水底千蛟螭翻張如劔爪如戟鈎喙徑欲生啖之  
回看崖石亦飛動海若恐怕輕相欺世間雕鶚盡凡鳥  
詩人信是無虛詞若令按圖索形似狐兔定笑虞人癡  
借懸粉壁可三日妖魅曷敢窺藩籬我當手摹百千本  
遍使四海知神奇

寄菴詩鈔續附卷三

戊寅

雲南劉大紳

大雪詩

壯哉滕六好氣魄一晝一夜雪十尺尺瑞丈殄安能知  
粉飾乾坤此長策瑤璇臺池每逾格巧匠雕鏤費千百  
朱門蔀屋今何分一樣平鋪白玉白寒光凜冽透金石  
高卧幾人暖枕席庭除眼界嫌不寬欲向飛鴻假羽翮  
天中天外任所適意南意北弄圭璧渴飲飢餒清潔多  
瓊漿藐視古仙宅舊聞佛言漫尋繹世畱缺陷是誰責  
况如滄海成桑田神仙幾曾筆金冊狡獪真推此戲劇

大地山河盡刻畫傷惠傷廉兩無干來遊一時少拘迫  
明知咳唾難附益欲與汗漫稱莫逆扶人如杖杖如人  
乍出乍歸鞮履坼忽見兒童快所獲如蜨轉九力不惜  
手痺足凍財搏成須臾已傾眼前液此事豈惟虛牝擲  
水山一例共消釋分明調笑人世間富貴功名判今昔  
我今出遊日已夕雪中竟留晚行跡且與三復淵明詩  
妙語無多願爲役

高用康病歸次日雨雪感賦却寄

蹢躅裘馬送行時尙恨長途遠別離驛路愁看花似錦  
郵亭怕見柳如絲一身况值貧兼病終日何堪凍且飢

令弟與前相慰否家庭夢寐定先知

板橋過去又楊林難遣悠悠送汝心昨日晴明今雨雪  
他人嬉笑我呻吟正思渴驥奔平野直望饑鷹掠遠岑  
如此狂才天莫妒好教箕踞鼓瑤琴

庸人若個是狂人却喜伴狂不喜真歌哭無妨驚世俗  
浮沈要自愛吾身良醫束手膏肓病好友傷心寂寞春  
昆水茫茫交水遠山川有鬼淚沾巾

誤人強半是神仙富貴情深亦足顛財放本心邪便入  
不除妄念病相纏升沈日月何關我去任雲霞豈礙天  
若向孔顏尋樂趣胷中飛躍有魚鳶

次日再成五言律一首

碌碌復庸庸，優游富貴中。才人無美疢，名士有奇窮。痛  
哭千秋遠，狂歌一代空。刀圭靈藥少，欲與問雷桐。

元宵聞讀書聲

燦爛銀花萬樹妍，玉簫金管更喧闐。若教太乙吹藜火，  
不向人間照綺筵。

傷李氏兄弟

唧唧聞鬼語，熒熒見燈火。人不學神仙，貧富無一可上。  
天於下民，往往好惡左。李氏賢弟兄，雖賢究何補。叶那  
火切  
哭弔裁須與長生，又不果迴首。去年時尙能迎送，我再



歸幾後輩含淚訴坎坷深交殊淺交夢中許並坐施受  
真渺茫無從叩福禍

登陞山絕頂用馬生似房句續成

做人要做絕頂人登山要登絕頂山馬生何能出此語  
曾到萬仞陞山巔陞山之來自西蜀千里百里斷還續  
斗折壁立無太華不許遊人置雙足叱風爲馭雲爲輿  
爭先飛鳥凌空虛笑從開闢數近代半腰始結堂檐居  
山風逐虎清夜嘯山鬼乘狸白晝叫無才無膽庸人多  
辜負山靈絕頂約馬生馬生心氣雄登高作賦誰人同  
可憐高生抱病去詩草未出懷袖中

用康曾言有詩且見懷也

寄書言金縷附卷三  
三  
聞烈婦李劉氏死事感賦

信矣哉古人言芝草固無根醴泉亦無源昆明劉家有  
女烈如此乃其父母爲之銜冤將毋朝送前夫葬暮歸  
後夫門然後不負生育恩人生自有大父母小父母正  
當別論清清井水撓不濁一死正氣還乾坤李家受賀  
不受弔含淚井上招貞魂

贈沙雪湖大令

點蒼之山十九峯十八溪浸青芙蓉羅利物妖據不得  
神靈下應人中龍中溪先生出前代其骨昔朽名今在  
同時繼起何無人直到沙君有後輩盛年氣吞西洱河

怪雲懾伏如么麼浮沈淮南白頭早把拍豪俊同悲歌  
前歲歸來解行李名篇佳句寫生紙五華峯麓睜雙眸  
精光飛揚塞三市人生既有如此才豈合俯首蓬蒿埋  
名山一揖行萬里雲圍玉帶隨輿來小停昆明又握手  
舊詩新詩盡上口鄉里小兒純綉多面譽背毀置可否  
知君自有兩先生芷灣太守今長城風流可惜草堂遠  
默齋大令騎神鯨

瓶中茶花

屈此凌霄質瓶中且試看雲霞無異彩風雨不先殘鬥  
草春光近催花水勢寬終憐高樹上萬朵擁奇觀

卽園招看海棠先以詩謝

折枝曾寄無詩酬夢中去作蓬瀛遊罡風不吹弱水穩  
仙人含笑招上頭飛帆如葉隔無數烟波渺渺許輕渡  
仙境幻夢休疑猜卽園留得海棠樹春光爛漫應更多  
細草綠縹微風和與君聯吟卜晝夜一鉤月影相婆娑  
卽園海棠分賦得籬字

春花百種費相思到此財逢絕代姿曾是美人歌舞處  
重將璧月照瓊枝

濃熏翠被睡醒遲昨夜沈沈中酒時那似水晶簾放下  
玉顏偷看洗胭脂

雪後蕭疏少一枝  
梅花生恨不同時  
千金若受孤山聘  
定有催粧幼婦辭

延閣翩翩燕去時  
阿環承幸近肥癡  
風流合與落花並  
舉似海棠終不宜

蒼蕩風光與護持  
柴門猶自設藩籬  
黃金屋貯陳家女  
未到求仙寵已移

放翁亦是舊相知  
蜀地情深二月時  
不恨碧雞坊路遠  
一生低首是蘇詩

送客過草堂

馬前牛後跨蹇驢  
白髮蕭蕭一尺餘  
爲世上人閒不得

作山中客樂何如過門風雨猶相訪入室鶯花正未疏  
縮取香雲襟袖底歸來蜂蝶到庭除

讀某公集

興亡百代付雲烟剩有才名日月懸却喜不同韓杜集  
後人心苦爲編年

與鄧學周交易書畫書竟不成謝之以詩

君爲我作畫我爲君作書畫成春花競明媚書罷秋蚓  
歎焦枯晴牕同是竭心力速遲巧拙難相如回思昔年  
一何武羣雄角力鬥龍虎庭前積紙如山邱醉後揮毫  
若風雨日跳月擲曾幾時鸞飄鳳泊無能爲一幅丹青

竟入手怕有鬼物從旁窺怪我如秦得趙璧連城不曾  
失寸尺笑君道德經未書一籠白鷺去可惜

過種花處

鈞籠密密護春烟曉露如珠射綺筵我與花師同寂寞  
朱門送到老僧先

碧雞金馬恨悠悠悵望神仙白玉樓蝶夢清晨醒不得  
折枝早上美人頭

偶題

羸秦火焰早經過末代師生得切磋閣自投來奇字少  
冢從發後異辭多書藏孔壁皆平易鼓出岐陽半滅磨

年未言金瓶附卷三  
六  
誰信青天懸白日重重暗室有妖魔

昆明李烈女

烈女氏李昆明雲津舖人幼字季氏子應宗未成婦  
翁姑及夫相繼亡其父母欲改字他姓女憤吞金環  
不死夜乃焚香告天矢必死嚙指血書帛遂自經死  
則嘉慶二十有三年二月丙子日也年二十有二矣  
環與帛皆夫家聘物

烈女求死不求生烈女之心天可盟焚香告天夜未半  
三十六帝傾耳聽生而死之烈乃成指血淋漓結作字  
在天園曲奎斗勢在地五嶽圖真形在人六經明大義



斯篆鍾隸奸人書百幅一字不與易誰歟千金買白玉  
摹刻流傳億萬世烈女書傳心亦傳二心臣子死無地  
烈女之死應何書不書名某書厥氏

金碧草堂花下漫吟一首

此是洛陽好種未千金移來亦過費紫袍玉帶殊驕人  
猶有兒女富貴氣衆中一枝輕若烟宜嘯宜笑何嫣然  
夜來恐被風吹去貯在白玉高樓邊

有名玉樓春者絕品也

先生

寶此錦繡段殘客生客罕得見清晨移坐午開尊美人  
不曾隔車幔今宵應夢瑤池行憑仗青鳥呼雙成新歌  
舊樂竟何用雲璈一擊無羣聲

檢任青之詩草

茫茫生死不相聞一檢遺編一哭君  
謫古仙人寧有此奪真才子復何云  
燈花半夜落春雨詩草千年蒸夏雲  
遙想青山埋骨處蠹書帶繞孤墳

檢有道詩草

三年思阿母未暇哭吾孫欲見都無夢  
相招可有魂篋中詩草在床下藥囊存  
不病到今日科名何足論

壽趙孺人

人生樂事是有母年年生朝起爲壽  
北堂屢舞斑斕衣南山疊進澗瀧酒  
母心無憾兒心安尋常菽水能承歡

歌詞自作尙風格緝雅綴頌人爭看有時神仙來海外  
龍肝鳳髓競作膾有時徵詩到人間肅雍鶴鳴與鸞噓  
雜陳舞席并歌筵四座賓客皆怡然如此樂事豈易有  
是母是子俱能賢賢母維何天水裔賢子維何東陽系  
熊丸荻畫家教成泮水璧宮師道繼多壽天錫人所基  
我今作詩無愧詞傾心登堂一再拜擱筆轉憶前年時  
賦得風輕粉蝶喜花暖蜜蜂喧各二絕句

亂飛小院問花叢財出清朝睡夢中不識大鵬搏九萬  
沾沾自喜御微風

東家遊倦卽西家剩馥殘膏儘自誇謾道飛廉無氣力

吹來小雨墮泥沙

乍開乍落是花枝  
霞散雲敷定幾時  
逐暖羣蜂全不覺  
喧聲盡日擾芭籬

萬聲一槩使人愁  
直到清霄得自由  
不柰槐根附蠶蟻  
又聞酣鬥吼如牛

重過金碧草堂

曲折蒼苔徑猶餘  
屐痕舊開花未落  
久坐石重溫  
近市無他處游仙  
有此村催歸  
解人意更不叫黃昏

劍生芝歌

國家承平二百載  
帶牛佩犢舊風改  
斗墟寂寞兵氣銷

將邪頑鈍乏光彩故家偶遺珠玉裝瑤琴寶瑟同珍藏  
湛湛匣中一泓水晝寢不夢蛟龍翔土斑銅暈久磨滅  
歐冶風胡舌皆結忽驚五色山中芝竟生七尺壁間鐵  
蒸雲鬱霧齊成形辨石判肉光日星印綬生花細徵事  
此占天下都清寧芝房之歌遍近遠將軍功名不須建  
前人十萬誇橫磨甲生蟻虱犁生菌

送春詞

到日遲遲信易差言歸頃刻去天涯春風自愛輕離別  
早見朱闌芍藥花

飛花相送夕陽村乳燕聲中早閉門長憶聽鶯並柳岸

雙柑斗酒對黃昏

白髮蕭蕭戀故人東郊祖帳每傷神又添一掬相思淚  
朝雨陽關餞好春

今年春異昔年春財記迎來未幾旬歸路知從何處去  
可曾回望送行人

挽留無計且憑闌那得仙家一粒丹我與東皇同不老  
再來春色好重看

禹碑

九鼎淪泗嶽碑出禹跡茫茫此其一芙蓉紫蓋天柱峯  
石廩祝融共嶒峯當年自欲藏名山岫屢靈秀相迴環

從官僕御駭蠟扁漆書刀鏤流人間嗜古誰如子韓子  
搜索千萬心未已山高雲深猿鳥多欲問樵夫隔烟水  
石青字赤本無恙空想鸞飄鳳泊狀遺詩讀罷涕漣漣  
紫陽夫子且疑妄嗚呼神物不易有人生得見亦非偶  
元和嘉定無多時七十七字原未朽惟丹靈時嶽神真  
神君蒼水使者同功勳金簡玉字不終秘四千餘載呵  
護勤嶽麓連然屢撫勒吾不爲魚賴明德尙欲取補包  
山文蝌蚪古文臆難測一彝一鼎三代留剝蝕殘缺入  
手收榻本精工繆悞少裝潢好置藏書樓山行乘輿我  
如果十日從容展席坐索靖碧落慚高曾拜謝崇崇嶽神

名置帖妥終惜韓子多文辭只向石鼓張旌旗衆峯雲  
雨一齊掃是何鬼物私此碑不然伯益共後先根據夏  
書作訓傳支祁不敢伸頭窺庚辰侍立目光眩而今又  
已千餘春夢中那有魚首人西望咫尺法華路羞從秦  
岱夸嬴秦

讀秦本紀偶題絕句

貪心萬世帝王尊又訪仙人古羨門求得藥來長不死  
肯將和玉付兒孫

四月雨

自從正月大雷雪於今已是小滿節  
蜥蜴蝎虎空奔波



雲踪雨跡久望絕上天號令何曾垂百日一雨晴亦佳  
老農且收眼中淚下田捆載菽豆黠野人多年苦旱魃  
汲井爭啐耳頻聒木罌瓦盎承簷溜好煮苦苳解煩渴

寄李卽園

四哀六別見詩家展讀青燈夜落花萬古神靈鬱風雨  
十篇文字起龍蛇繁聲盡作泥間蚓雅奏全殊井底蛙  
高李相從何處去應憐野老望烟霞

種紙歌

既不能如羣鴻孤雁書青天揮灑五色雲霞雙復不能  
如左行右行梵佉僕几案矻矻倉頡篇安能終身學書

不費紙畫沙印泥枉自喜生憎掃箬與荊荻零星難施  
入神枝舍南舍北芭蕉多移栽萬本深山阿碧霄映帶  
綠於水赤日白月飛雙梭細蕊重重剝還有重價銀光  
落吾手大葉卷舒如人心側理棄置不迴首興酣已吞  
江海乾直從樹底翻波瀾墨痕夜夜洗風雨筆勢未許  
旁人看至今想見結廬處食貧未辨祭侯楮素師素師  
真可人二張衣鉢合付治我聞張家帛練足先書後染  
縱所欲師獨何爲空山隈辛勤種紙如種玉笑師飲酒  
賢聖同千樽百榼須與空却輸老顛得意侯散髮濡染  
濃潘中人生嗜好本無定古來萬事適天性一丸一劍

皆終身成家成池又何病祇恐書成苦應酬長絹橫素  
堆山邱換鷺換半等可笑徑作襪材難自由江東項籍  
棄不用班超希圖節符重弱毫細管痴書生空階秋雨  
醒殘夢於今王霸尋常譚長槍大戟爭荷擔楚宮漢第  
究何在千秋突兀藏真庵

謝楊鳳藻

一曲崦嵫日已曛相知賴汝定吾文洪鑪去鑛金纔見  
大璞留瑕玉不分李卽園戴古村於今同繾綣丁曹自  
古共殷勤長愁別後關山遠風雨聲清過罕聞

李卽園以翠竹軒集相示因題

飽受窮愁福風騷笑古時曹劉生亦偶沈宋死何知曠  
代空多感今人自有詩殘燈分示處夜雨共相思

見螢火

積雨初停此夜晴流螢一點拂茅楹出從腐草原無用  
飛近殘星卽不明幽暗顏垣矜自照光輝華燭敢相爭  
細羅小扇裁團月都有兒童撲汝情

不夢

危樓懸白月斜徑長青苔獨臥名山裏無人入夢來

補謝李卽園惠金線魚

丙穴嘉魚不易得曾從詩人頓頓食雨中持贈九新鮮

重認一線紫金色昆明湖水千尺深聯舟接網相搜尋  
長鯉潛逃大鰐怒青楓沙岸搖空林鮭菜瑣細本無取  
華筵匙箸任茹吐此魚自古珍如珠未上街坊早臭腐  
梁王茅土分南溟避暑高居太華巔紫薑青筍蓄相待  
河魴海魴徒腥膻邈來滄桑閱朝代魚徙不還穴空在  
荒村徵求自難堪神仙誰騎小鱗背詩人嘯傲湖山中  
服霞飲露三日同漁翁恰好得魚賣食指乍動臨秋風  
長鬚昨日又致語傾筐作美食無絮鸞鶴一別遙相思  
如君又到買魚處詩章未報情悠悠笑說封侯爛羊頭  
明年莫問水深淺山根翻倒蛟龍愁

鐵柱歌

鐵柱歆夷人願鐵柱傾夷人懼鐵柱不傾人安作嗟  
爾夷人此何爲云是漢家丞相舊所鑄丞相北伐先南  
征收取豪傑精財賦當時豈敢弛天威至今人猶恨來  
暮共知元老公誠心不但武人逞戲怒有釜有枕復有  
鼓岸崩土缺偶流露炊之枕之兼鼓之精神直與我公  
悟况此轟轟干雲霄蒼靈華祇互呵護怪如鬼魅不敢  
窺蠶如牛羊不敢梧奇如祭公旣枯竹珍如芟公勿剪  
樹唐家失金鏡宋家畫玉斧漢人夷人同聲哭落日烟  
沈舊鐵柱此柱不隨大星殞此鐵曾經幾州聚卽今郡

縣烏金多不鑄曹楊亦是誤蓬頭跣足跪左右墮風螺  
雨擁大路行人下馬弔我公鞭笞加爾百千數賊漢賊  
唐罪一律我言雖狂非無故海枯石爛恨未消碧血青  
磷迷古渡

戲和狗吠呂翁詩同韻

既生神仙復生狗豈肯默默閉其口未見形影先怒噴  
張牙露齒相待久記曾慢亭開宴時與汝主人坐飲酒  
鸞鳳餘骨屢投與搖尾情態汝忘否明知一吠無能爲  
腰劍不拔揮以手昂昂七尺中道行雲霞衣裾颺左右  
若使結黨潛噬人誰欺瞻前復顧後吁嗟神仙來遊事

亦偶我輩終身地上走人家好養仁  
騶虞縱有神髮莫亂嗾

紀水

六月初三日

吾州有小水亦足爲民殃山鬼乘風雨得勢無隄防  
東南一彈指平地成汪洋崇樓敵不住安問低屋梁  
鵝鴨逐魚鼈出沒高垂揚幸未值昏夜趨避猶有方  
忍饑且露處生存勝死亡憶昔河北潰直抵東海旁  
小官從大吏竭力籌凶荒恨不執河伯待罪神禹王  
此真一衣帶豈有龍蛇藏捷蓄下決口兩立殊周章  
四海視由已况與同家鄉百靈倘有耳爲我排天閭  
兵氣裁消歇疫氛



又飛揚急召雨師返杲杲臨朝陽天末皆赤子無令重  
夷傷

賦得蛟龍得雲雨

雲不停雨不止使龍得之我心喜使蛟得之我心憂我  
喜我憂非無以君不見孽蛟一出龍無權雷奔電走紛  
紛然崩崖傾壑不稱意欲沈大地成深淵笑渠眉交尾  
復短恣肆凶殘罪難追族類由來非善良父蛇母雉此  
遺卵幸其到海無能爲長鱷巨鼉羞追隨十頭我盈一  
鳥嗟空詡際會非常時如何蛟龍得並舉聖之賢之亦  
謾語乘時藉勢寧無人仁與不仁慎所取

答何以亭

隣家鐵笛送新聲樓上懷人雨未晴  
正憶在時皆少壯相從何處會  
耆英消磨歲月愁難盡顧盼山川恨易生  
不信西南存飢饉昆華竟阻遠遊情

七夕立秋

織女詣牽牛銀河玉漏緩今夕不立秋  
應苦夏夜短

卽園雅集同諸詞人分得音字

詩人小築偃湖陰虛檐斜對華山岑  
花朝月夕每來往自慚未脫塵  
凡心新秋擬作先到客入門繚繞烟雲深  
恠底羣仙此高會雲咸一曲彈琵琶  
松喬與我久賦詩

恨不及早來追尋兩龍一鹿去人世天風送下鸞鶴吟  
蓬萊宮闕究何在重來無日情難禁連茵接席盡珠玉  
却喜才子多如林要知神仙皆才子第與我輩分古今  
擊鉢詩成且先唱傾壺酒盡且重斟看待遙遙百年後  
有人繡絲兼鑄金

聽鳥

高樹先秋蟬幽牕日已晏春風曾憶汝啼落桃花瓣

戴雲帆詩集題詞

讀書過袁豹才何減班固世無梁昭明選樓復誰顧碎  
玉時見收往往愜情懷粲爛披文錦忘饑幾朝暮相賞

是今人乃與古人遇直愁讀欲竟不但摘章句昨夜秋  
氣清月中皎玉兔桂館微微風蘭渚湛湛露詩中有真  
意詩外有佳趣存沒共追念落葉下庭樹

分賦桂枝得月字爲卽園作

雨霽天無雲萬里見秋月酌酒延姮娥樓頭興清發相  
思今幾宵離合歎圓缺君情如秋風吹得秋雨歇我意  
在秋水空明影長揭我家有桂樹夜夜香醪醇神仙袖  
玉斧高寒不敢伐根抵蟾與兔盤踞作窠窟贈君我何  
惜君身無俗骨報我以長歌早成酒寧罰迴首噴纖阿  
御輪太矻矻西山高復高此去莫倉猝

陳允執畫蝴蝶二首仿王次圓體

同抱憐香一片心，芊綿芳草弄春陰。  
就中一蝶曾相識，曉鞦雲鬟綠玉簪。

雙飛隻舞巧安排，宜正宜斜虬盡佳。  
針線初停小兒女，誤携團扇下閒階。

平生

平生多所負，好友與名山。  
題贈何曾少，篇章已盡刪。  
雨晴成老境，醉夢失愁顏。  
君使當年少，遨遊肯暫閒。

謝楊玉泉春風桃李圖扇面

不寫籬邊采菊客，醉臥清秋五柳宅。  
不寫樓上聽松人。

邈然直與下層隔春風一向來遲遲紫毫粉筆潛相期  
眼看紅霞間白雪山阿澗曲無盡時武陵仙源有桃樹  
曾棹孤舟逐水去秦人雞黍畱殷勤李花寂寞向何處  
一株桃花一株李七十二株竟如此問君到我鄉園無  
我家風光落扇底洞口雲與山口連金鰕灣對松山前  
龍洞山口金鰕灣寧州東南隅桃李最勝處孫鳳家柯塘家栢酒熟不向麴  
車口流涎騫然讀書有歸志知君不爲我私計移將春  
色天上來欲變人間秋冬氣松邊菊下停高歌老鶯去  
燕都情多又無幾花落風雨不飲不醉將如何

玉案山省墓

昨日天已晴一夜燈光爛早起出門視山翠紛鬱盤大  
道馬牛雜小路沙泥乾僕夫有強弱不能一例看衰老  
仗藤竹徒步雲霞端連香夢相地親魄恐未安及茲濕  
於水何以容薄棺葬師多誤人吉壤求原難想呼曾孫  
語地下常苦寒所恨死生隔不聞言詞酸四望貴人塚  
左右羊虎殘烏鳶銜錢紙上下相追歡人于身尚存落  
日長悲嘆

贈馬子雲

點蒼山有沙雪湖天方之域今則無又見于雲麗江上  
才名不服東西都雪山刺天白虹起倒影玉壺清如

池名清如

水高寒縹緲淨塵滓人生其間宜有此買雪一臨點蒼  
市恨未雪山著朱履詩卷讀之冰牙齒夢中直欲跨綠  
耳追逐沙君與吾子

再贈子雲

余於子雲知其爲詩人耳見鶴慶林文徵知其  
以直言被斥事蓋奇士也太和楊丹亭詩話亦  
載之則名字易矣再贈一詩子雲原名龍繼改  
名景今仍原名東樓

具別字也

昨日知是詩人耳今日知是奇男子朝得頭巾暮棄之  
何處茂才肯如此小兒人云亦云云循例致身附青雲



獨從矮屋論世事霹靂一聲天上聞要驅狐兔膏鉞斧  
亦令蛟龍作霖雨物情喜愠從來殊愈表蕢策委泥土  
聲價遠在天地間一琴一笛辭鄉關半領青衫何足戀  
十年快意遊名山遊山歸來謝康樂芙蓉初日露未落  
奇人豈有尋常詩鷺鳥累百見一鷄我亦曾爲汗漫遊  
黔陽老馬麻陽舟恨不大江月明夜聽君吹笛黃鶴樓  
子雲邀飲卽園分得盤字

快士遊歸乍解鞭又携賓客赴騷壇清秋白酒剛初熟  
老圃黃花正未殘先製笛聲翻別調早將詩味勸加餐  
不嫌翠海晴霞晚更煮青羊薦玉盤

卽園對菊

徑底未栽菊籬邊先種竹  
花開寂無侶抱影對寒綠

題卽園竹

曲徑長垣影半遮  
槐江山外此人家  
一年幾夕娟娟月  
映帶梅花又菊花

秋宮詞

深宮向晚掃蛾眉  
玉鏡相憐已入時  
門外小車畱不住  
侍兒忘記揮楊枝

梧桐葉落井邊寒  
一夕秋聲在畫欄  
忽聽笙歌來別院  
君王燕笑彩雲端

錦衾繡褥早薰香一半閒拋七寶床同是芭蕉秋夜雨  
殿頭殿角異溫涼

兔魄晃晃缺復圓別鸞好與奏哀絃何人夜夜私明月  
不肯分光照獨眠

殷紅的退最分明齊向銀盤託化生偏是才人年十五  
懷中兒已泣嗶嗶

畫圖無力壽毛君傾國紅顏異域聞忍抱琵琶彈馬上  
宮中自欲過行雲

萬里飛鴻度雪山孤臣曾與寄書還新詩繫足無多路  
寄到昭陽咫尺間

九日同丹山雲帆簫庭登五華樓分得花字

秋氣無今古森森來萬家豪士喜佳節逸韻凌烟霞老  
夫髮已白頭插黃菊花尙欲越昆水舉足憑太華兀坐  
成無端悲思觸暮笳樓頭好眼界曠覽無所遮開徑得

三益興比十老賒

癸酉九日曾集十老樓上

我非楚屈子諸公皆玉

差如到君山上俯臨湘水涯髦及忽唐突頗惜髯孟嘉  
落帽自千古附桓亦堪嗟輸與女所出五柳風流遐顏  
然抱琴臥何知人建牙我若生同時日載酒一車從醉  
荒園中閒業談桑麻蕭疏落木上叫噪任烏鴉懷古空  
有餘西山夕陽斜

子雲寓中看西洋刀歌

昨見快上如快刀庸人俗客爭奔逃今見快刀如快士  
截蛟斷兕同雞毛中華九州未有此來從西洋三萬里  
白日微茫青天低躍出自斬毒龍子馬生佩之過幽燕  
荆軻有鬼羞不前劒術既疏劒亦鈍瀝血空灑秦山川  
歸來收藏舊酒鞘我輩肝膽與相照笛聲裁作蒼龍吟  
刀響又爲白虎嘯快刀快士今無雙我口不喟心欲降  
同時詩人有奇句昆明秋水聲淙淙國家重德此何  
重空山樵蘇更無用請君賣易黃耕牛玉田瑤草且深

種

再歌

得見寶刀快如何年暮心壯重  
婆婆凡鐵焉能鑄成此  
紅暈血漬蛟龍多清時原無不  
平事逼人陰風挾秋至  
南八男兒神在天舊祠堂前新  
館地子雲時寓南將軍祠西廡斫指  
如見當年刀坐客凜凜寒生毛  
人生幾個度千歲叩頭  
乞活羞兒曹語君慎無日傳看  
恐有旁人背流汗倚樓  
且譜謫神仙權抵一曲廣陵散

題戴雲帆此帖瞻思圖

天陰日暮晚風起墓門宿草吹  
欲死烏雅接翅聯翩飛  
孤兒旁皇淚不止有父有母兒  
以生無父無母兒何成

荒邱陋屋太睽隔，凝視無影聽無聲。  
朝朝看雲北山上，愁容懽態各殊狀。  
縈松繚柏無盡期，歸來夢中猶相望。  
此情此景誰能傳，作畫題畫同凄然。  
幾人菽水承生前，君不見仲家負米百里外。  
幸逮親存樂未艾，曾家酒肉將撤時有餘。  
波及妻孥輩，盤江之水何迢迢。  
南山落葉常蕭蕭，水能東還葉重附。  
兒有父母兒心驕，從來天地無完善。  
五色石頭最難鍊，無窮心思憑丹青。  
百代下人尙如見。

餐菊

茅齋小築白雲隈，隙地蕘花雜杞栽。  
風雨園梅搖落盡。

秋深別有作羹材

閒向山厨議食單得兼滋味最爲難  
冷淘自愛青槐葉不向西風共一餐

晚菘早韭讓新鮮瓦釜調和要自然  
說與易牙渾不辨手搓綠粉碧油煎

饑時半飽已無求解制顏齡更不憂  
只乞一瓢甘谷水青山影裏泛茶甌

遊近華蒲同張亮工馬子雲李藝圃楊丹山李占  
亭朱品三牛涵萬奚修亭黎鴻鈞馬似房戴雲  
帆池籬庭分得溪字



掠烟飛鳥過前溪十里頭風隔水西島嶼亦知原有徑  
登臨尙憶舊無梯樓船漢武成何事驛路王褒望欲迷  
六載湖山臥遊處羨他謝客再三題

危欄縹緲與雲齊勸此昆華入眼低觴詠直凌秋雨外  
管絃不辨夕陽西天風自欲吹人去湖水相憐度雁迷  
可惜梁南佳勝地好詩畢竟待誰題

古祠堂畔雨淒淒衰柳長隄接短隄地肺自隨天上下  
人心莫逐水東西當歌正欲馳金馬中酒還思舞碧雞  
偏是城頭催鼓角粉牆不許客留題

大觀樓上大風作歌

我聞在昔梁王時日，夜宴飲昆明池。梁王一去幾百載，  
蕭條我輩來何遲。近華浦前有秋色，大觀樓上有狂客。  
一聲鐵笛吹入雲，老蛟欲聽出不得。掀波揭浪心不甘，  
縱風撼樓樓爲側。太華山雲又如墨，金馬馳南碧雞北。  
是何螻蛄敢相逼，我欲上天朝玉皇。凡風無力愁郎富，  
借汝怒飛九萬里。如乘鸞背高翱翔，只恐湖中有腥氣。  
披拂不似芝蘭香，爲語老蛟且深藏。聽我狂歌樂未央，  
我尚不喜漢武帝。何況區區一梁王，武帝鑿池習水戰。  
遠略自欲開南荒，豈知倒流二百里。不敵直上千仞岡，  
樓船旌旗日飛揚。織女牽牛失津梁，劫灰一出人旁皇。

雄風何似歌宣房至  
今猶誇漢文章我輩清狂不足  
笛聲琴聲時相續老蛟伏水輕鷗浴

遊近華浦之次日晴戲爲二絕句

去阻北風來阻門匆匆半餉負清樽  
誰披鶴筆城樓上坐待遊人落日昏

湖山亦解厭凝人刻畫烟雲太過真  
今日晴明不風雨寺門燈火接城闌

分賦梅信

閒愁付與舊迴闌第一枝頭著眼看  
隔歲相思朝月瘦前宵有約晚烟寒  
如人極愛初歸好於我深知久別難

客居言 金瓶梅卷三十一  
慰藉離情在今日枯桐何惜最先彈

送子雲歸麗江

縱到昆明不是歸西望  
幾日有光輝可能水底黃金盡  
未必雲間白雪稀壯士投鞭辭驛路  
老人扶杖啟山扉  
還家樂事身親歷相送歧途亦色飛

爲騰越尹生兄弟壽其父母

尹家兄弟廟堂器棘闈秋風偶失利  
男兒事業非科名  
幡然歸爲壽親計謂我祝嘏無諛詞  
屏幃光輝乃不啻  
我聞上古人萬千春秋皆以百歲志  
父子兄弟盡耆英  
闡門偕老又何異君家父母今六旬  
百歲日月頃刻致

老人身受尙等閒  
若子若孫實得意  
菽水甘旨同一般  
南面王樂不與易  
願君兄弟種鵝餘  
及時更爲顯揚地  
老人相對歡顏多  
不酌兕觥亦自醉  
風詩雅詩皆可無  
何況我詩小兒戲

過寶珠山二首

聽瀑橋頭恨不休  
又過七子讀書樓  
陶家冷落松風夢  
誰與山靈續舊遊

湖烟四面卷西風  
解舍漁莊盡水中  
似攬輿圖諸島國  
零星點綴海洋東

八村漁火九寺僧鐘各一絕句

湖邊燈火照船明  
夜半猶聞撒網聲  
不管魚龍睡醒未  
載將鮮鮓入昆明

落日鐘聲到客牕  
新都才子尙心懣  
而今靜夜無消息  
蘭若齊從飯後撞

聞雁

衡嶽高峰浪得名  
迴翔鴻雁抵昆明  
青霄乍唳音何響  
白髮初聞夢亦驚  
纔喜鄉村今樂歲  
那堪天地又秋聲  
少年愛爾凌雲氣  
翻笑愁人意不平

寄召蔭

西來人不少  
怪汝住深山  
問訊烟雲隔  
經過道路艱  
詩

從前歲寄書向幾時還幸有中宵夢談心咫尺間

賦二西山

石室多枯竹先民手澤存幸逃秦火却未得漢儒尊鬼  
倦名山守人欣古冢繙輕舟昨來往第見碎雲痕

聽琴

虛堂寂不睡坐對黃葉林寒空照孤月曠然無古今鳴  
騶與橫吹不雜枯桐音以聽山水耳默會周孔心羣玉  
山何高清瑤流何深凝立既已久凜若聞規箴緬懷孟  
東野韓豪讓清吟斯人世豈有山川悲抱臨未識歐陽  
子可許是聽琴

冬夜學東野體

冬夜寒且長久失夢中  
越繭衾密蓋覆口鼻疊相响  
一角偶離身煖氣遂不附  
何以伸雙足冷爐焰徐吐欲起  
迎朝暎中庭有霜露

卽園送蠟梅

暗度春風蝶不知  
何人拈蠟妙如斯  
蘇黃久已歸天上  
却向山中寄一枝

送北上諸子

此去行程一萬里  
明日金馬山頭始驂騑  
顧影爭驕嘶  
長亭驪歌唱不止  
生愁落第清秋時  
得雋却又悲別離



卽看春風到燕樹雙鯉好寄昆明池

題倪蛻翁蛻園圖

蛻翁不可見蛻園尙可卽往來寶珠山剝啄日中仄翁  
死三年我已生垂老裁知翁姓名淞江高人要尙友况  
有故宅遺昆明到門犬吠兒童笑豐碑矗立晚霞照正  
如泛海徐市船水弱風吹隔壺嶠今朝展圖神與遊戶  
庭池館何清幽輞川焉能更過此若有夙疾應須瘳七  
十餘年歲月變不無傾平異斯卷千章竹木凌烟霄依  
舊清風日相扇蘭亭金谷原一時誦詩讀書長相思何  
物秦宮并漢苑昔人懽樂今人悲乃知文章與富貴清

古眉言金瓶附錄卷三  
濁判然似涇渭如翁正使無此園千秋嚮往有人未

卽園送梅花並橘子

此是青蓮手折枝得梅何異得君詩都無媚骨從人怪  
儘有仙心與我宜樹底霜威全不避梢頭雪意獨先知  
正嫌報客難尋鶴好向東牆試橘皮

次早對梅花再賦

解凍東風未有期梅花於我最相思迢迢斷嶺橫烟重  
漠漠寒流對雪遲投贈荒庭憑老友指歸正體仗新詩  
幾人煖閣斟羔酒開遍園林尙不知

題唐六如畫馬爲劉春塘

吳儂隨手寫烏騅眼見笑官駕馭時自恨人如千里馬  
朝燕夕越不曾騎

攏取星精醉墨濃何如天馬越來峰聞君抱卷黔陽臥

風雨連宵起養龍

坑名越來峰所出也

徵就新詩語自驚又將神驥入昆明恐教金馬知形似  
匿跡荒山夜不鳴

送王萬育老友歸

三度秋風裏空嗟桂子新世情如賤老天意不憐貧暮  
歲還鄉遠窮交賦別真更從何處見同慰白頭人

游金山寺同段奕堂及李品希張西軒司可茹蘇

曉九任用賓李可仙

未向長江萬里行  
金山絕頂一題名  
爾時鸞鶴空相待  
此處烟雲亦有情  
瀉酒杯中吞太華  
振衣袖底出昆明  
賦詩却笑無佳句  
乘醉歸來月上城

游李鑑泉孝廉山莊

忽騎白鶴背  
直到鳳凰山  
草堂倚空出  
竹徑臨水灣  
村犬不吠客  
侯門稚子閑  
談笑未及竟  
詩意如相關  
天風吹紅霞  
下墮庭梅間  
妙理此自有  
翻嫌茗柯頑  
王人久浣俗  
我亦離塵寰  
不愁落日晚  
明月相伴還

塔密左看茶花

仙人得道天相通玉皇鄭重迎赤龍瓊臺荒歸醉不醒  
丹霄踏破雲重重我尋仙人塔密左獻以一詩笑曰可  
文章映日慚少年精氣如荼復如火一時邂逅皆耆英  
蒼蒼早作松風鳴壑師袁叟煮茗村翁羅叟置  
副試井水謂在吳井上云藤龍雙  
杖倚獨樹瓜甲不敢鏗有聲此間優游好度歲賦別匆  
匆太早計輕裘莫笑無鷓鴣前村醇醪儘堪賞

又一首

荒村古廟花自開無心道上邀人來共知此物甲天下  
停車駐馬相徘徊我亦幾度過門外隔牆度量樹小大  
今朝身到彤霞間快意羣仙共高會賦詩率爾難爲工

定光太極形撫同是何福分許消受有人後談碧雲宮  
記從燕山得一朶綺席垂筵客四座莫因習見成尋常  
馳逐名園賞識左

尋梅二首

補遺

臨風先訊水邊村歲歲花開記到門騎鶴仙人傳玉簡  
旋螺素女置金樽先時抱節憐枯樹應候生香認老根  
愁是小春消息斷寒雲寂寞月黃昏

信風到處卽春臺舊向百花頭上開共識冰霜多妙用  
幾曾天地厄奇材出尋老樹每孤往入夢寒香時一來  
陳虬畫錢江詩同可惜仙宮不獨悼唐梅